



ოთხშაბათი,
იანვრის 15.

(იანვრის 2).

1919 წელი.

№ 6.

ფასი 50 კაპ.

ყოველ-ღამეობრივი
„სალი კლდე“
გაზეთი

გამოცემა

დამოუკიდებელი
ნაციონალ-დემოკრატიული
გამოდის გრიგოლ ვეშაპელის რედაქციით
გაზეთის ფასი 1919 წლის დამლევამდე 100 მანეთი,
ცალკე ნომერი 50 კ. განცხადებათა ფასი მორიგებით.
ხელის მოწერა და განცხადებანი მიიღება დილის 10
საათიდან 2 საათამდე.
კონტორა ქართულ ქარვასლაში, სასახლის ქ. № 5
რედაქტორის ტელეფონი № 22.



დამოუკიდებელი ნაციონალური
პოლიტიკის ორგანო.

წერილები

შეთაური. ვეშაპელის არჩევნებისათვის.
ს. „კავკასიის ინტერნაციონალი“.
გ. იმნაიშვილი. სადღესო შენიშვნები.

ცნობები

ბეტრავრადის გარნიზონი ბოლშევიკების
წინააღმდეგ გამოვიდა.—საფრანგეთი რეინის მარ-
ცხენა მხრის ნეიტრალიზაციას მოითხოვს.—ხერ-
ლინში ამბოხება კვლავ გრძელდება.—სამაჰმადი-
ანო საქართველოს ავტონომია მიენიჭა.—ქართვე-
ლი კათოლიკენი ქართული ტიბიკონის შემოღე-
ბას მოითხოვენ.

მიიღება ხელის მოწერა 1919 წლისათვის.

ყოველ დღიურ გაზეთ „სალი კლდე“-ზე.

გაზეთის ფასი:

ერთი თვით 10 მან. | სამი თვით 25 მან. | ექვსი თვით 50 მან. | ერთი წლით 100 მან.

ხელის მოწერა და განცხადებანი მიიღება დილის 10 საათიდან 2 საათამდე.

კონტორა ქართულ ქარვასლაში, სასახლის ქ. № 5.

ქართველებო! ნუ დაჰკარგავთ საარჩევნო ხმას!

მიდით ქალაქის საარჩევნო ბიუროში. (შუა (სომხის) ბაზარში, № 62 თა
მამშევის ქარვასლა) და თუ აღწერისდროს გამოტოვებული ხარო, შეატანიეთ
სიაში თქვენი თავი!

თფილ სი. იანვრის 15.

დაფუძნებული კრება.

მხოლოდ ერთი თვე დაგვრჩა დამფუძნე-
ბელ კრების არჩევნებამდის. მხოლოდ ერთი
თვე გვაქვს საშუალება ვეშაპელის რაოდენამდე
დავანახოთ მტერს და მოყვარეს ჩვენი სახე.
ერთი თვის შემდეგ უნდა შეიკრიბოს სრული-
ად საქართველოს წარმომადგენელთა კრება.

ვიციოთ წინ და წინვე რომ მრავალი და-
ბრკოლებები გადაგველობება წინ. მრავალი ძალ-
შომარეობა და უსამართლობა იქნება არჩევნების
დროს, მაგრამ თუ ჩვენ დღეიდანვე მხნეთ და
ენერგიულათ შეუდევით საქმეს, თუ ცენტრში
და პერიფერიებში ავამუშავებთ ჩვენი პარტიის
ხალხი და თანამგრძობელნი ჩვენნი, მაშინ
ჩვენ სასიცოცხლოდ არ დავმარცხდებით ისე
როგორც აქამდე ვიყავით დამარცხებულნი.

დღევანდელ ჩვენს პარლამენტში ხუთი მე-
ექვსედი, თუ უფრო მეტი, სოციალისტი დე-
პუტატი ზის. ეს ანტინორმალურ მოვლენაა
რაც ერთ სახელმწიფოში, ჩვენზე ჩამორჩენილ-
ში თუ დაწინაურებულში, ამოდენა სოციალი-
სტები არ მოიძებნება.

სოციალისტობამ საქართველოში თითქო
ავადმყოფური, გადამდები ავადმყოფური, ხა-
სიათი მიიღო. სოციალისტობა დღემდე კი-
დევ მოლაშობა საქართველოში მცხოვრებ დიდ
უმრავლეს ქართველობისთვის თუ ვინმემდღა-
ნელგებთ იმ პროპორციით რა პროპორციითაც
ისინი წარმომადგენენ დღევანდელ პარლამენტის
დეპუტატებს.

ვფიქრობთ, რომ დროა საქართველოს შეი-
ლნი გამოერკვიონ ბურჟუაზიდან.

საქართველოს დამფუძნებელმა კრებამ უნ-
და უჩვენოს განათლებულ სახელმწიფოებს თა-
ვისი არჩევნების შედეგებით, რომ აქ სცხო-
ვრობენ არა მარტო ფანტაზიორნი, ჰაერში ცი-
ნე კოშკების მშენებელნი, ილუზიებით შე-
პურობილნი, მეოცნებენი, არამედ რეალურად
მოაზროვნე ხალხი, რომელიც შაბლონიურად
არ გაიძახის, თუ პროლეტარს სამშობლო არა
აქვს ან იმ აზრს იზიარებდენ ვითომ ubi bene
ibi patria; პირ იქით, ჩვენი ხალხი ჯერ კიდევ
დიდ ხანს მხნეთ შეუდგება შემოქმედებითი
მუშაობას განახლებულ საქართველოში.

ქართველო ხალხო, სამშობლო საქართვე-
ლოს კარგ ძლიერ სახელმწიფოდ მოწყობას
ყოველი ქართველის კარგად მოწყობა მოჰყვება.

შემდებულ და მდიდარ სახელმწიფოს,
შემდებულნი და მდიდარი ქვეშევრდომნი ეყო-
ლებიან ქონებრივით თუ კულტურულად. სა-
ქართველოს სახელმწიფოს აღორძინება—აშე-
ნებაში საქართველოს კანონმდებელმა პარლამენტმა
უდიდესი როლი უნდა შეასრულოს. საქართველოს
დამფუძნებელი კრება, რომელიც შეიკრიბება
სწორედ ერთი თვის შემდეგ უნდა იყოს საწინდარი
იმისა, რომ ჩვენს სახელმწიფოს მკვიდრი და
შეურყვეველი ნიადაგი ჩაეყრება. მაშ ვეშაპელთ
მხნეთ არჩევნებისთვის.

„საგვასიის ინტერნაციონალი“


დიდი ხანი არ არის მას შემდეგ რაც ჩვე-
ნი სოციალისტები სომხებს კონფერენციებზე
იწვევდენ და სადაო საკითხების მშვიდობიანი
და კეთილ-მეზობლური გზით გადაჭრას ურჩე-
ვდენ.

სომხეთმა ქართველი სოციალისტების ხვეწ-
ნა-მუდარა არ შეიწყნარა და იმ დროს, როცა
ეს უკანასკნელები მანანასავით უცდიდენ ორ
ერთა ბჭობის გამართვას, სომხეთი ძალზე მოე-
შხადა და საქართველოს დედა ქალაქი ლამის
ცეცხლში და განადგურებამ არ მოიციო.

მაშინ ეს, „შრომელებმა“ „სამწუხარო მიზეზე-
ბით“ ახსნეს და ყველაფერი „ავანტიურისტებს“ და
აბრალეს. ომის პერიოდში კი სული განაბეს.

დღეს, როცა ომი შეაჩერეს, „შრომა“
კვლავ უბრუნდება ჩვეულ „მწუხარებას“ და
სომხეთს კონფერენციისაკენ უბნობს, იმ მოსა-
ზრებით, რომ „ამას ავალებს სოციალისტებს
ინტერნაციონალი.“ და სწერს:

„ჩვენ უნდა გავიგოთ ტრადიციული მდგო-
მარეობა იმ ერის, რომელიც მომწყვდევულია
ერევნის უბერიო (?) გუბერნიისში... ხოლო ამი-
სთვის საჭიროა: ღია პოლიტიკა, ურთი-ერთი
უფლების პატივისცემა და სასიცოცხლო ინ-
ტერესების სწორი გაგება! ის რაც ვერ შესძლეს
მთავრობებმა, უნდა ქნან სოციალისტურმა პარ-
ტიებმა! გვწამს ეს ასეც იქნება და დიდი ის-
ტორიული გამოცდების შემდეგ იმპერიალის-
ტურ ზრახვათა ნანგრევებზე აღიმართება კავ-
კასიის ინტერნაციონალის წითელი დროშა“—
რასაკვირველია ვისაც რა უნდა იმას იწამებს
და „ნეტარ არიან ყველა მორწმუნენი“, მაგ-
რამ ერთი რომ კი მუდამ უდაოა: სომხეთისა
და საქართველოს სასიცოცხლო ინტერესები
ჩვენი ქვეყნის საზრეთ აღმოსავლეთის ნაწილე-
ბია. რანაირი სომეხიც არ უნდა მოითხოვონ
საკონფერენციოთ ქართველმა სოციალისტ-რე-
ვოლუციონერებმა, აჟ ეს სომეხი ოღნავ მა-
ინც ფიქრობს სომხის ერზე შექველია ილაპა-



საქართველოს ამბები

იარაღის აღმოჩენა.

10 იანვარს რეუტოვის ქ. № 20 მე 9 კომისარიატის უფროსმა მილიციონერმა გუგუშვილმა აღმოაჩინა სარდაფში მიწაში ჩაფლული 3 ვინტოვკა, რევოლვერები და პატრონები. იარაღი ეკუთვნოდა ს. ნიკოგოსოვს და ა. ალექსანდრიანს.

ფოსტა-ტელეგრაფი.

განაზღაურდა დროებით შეწყვეტილი ფოსტისა და ტელეგრაფის კორესპონდენტის მიღება-გადაცემა საქართველოს ფარგლების გარეშე.

პირდაპირი მატარებელი.

ქუთაისამდე. 10 იანვრიდან დაიწყო მომსახურება თფილისიდან ქუთაისამდე პლაცკარტიანმა მატარებელმა (პლაცკარტი 10 მ. ღირს) თფილისიდან გადის საღამოს 9—30 წუთზე, მოისპო პლაცკარტ. მატ. თფილისიდან ფოთამდე რომელიც 11 ს. გადიოდა.

ქართველ სამხედრო ტყვეებისათვის.

მთავრობამ ინგლისელების შუამდგომლობით ადესაში საქართველოს ვიცე-კანცლერს იქ თავმოყრილ ქართველ ტყვეების საქროებისათვის, გაუზზაუნა 500,000 მან.

ბათუმის ცხოვრება.

ბათუმში ამ დღეებში უკვე გამოვიდა საგაზაფხულო საქართველოს განმათავისუფლებელ კომიტეტის ორგანო „სამუსულმანო საქართველო“.

თბილისის ფოსტა-ტელეგრაფის ოქტის სამმართველომ შეადგინა და ბათუმში გაგზავნა ფოსტა-ტელეგრაფის მოხელეთა შტატი. ბათუმის ფოსტა-ტელეგრაფის კონტორას უფროსად დანიშნა ბათუმის დაცლამდე ამ თანამდებობაზე მყოფი მ. სიმონიანი. ამ შტატში არ შესულან ნაციონალიზაციის გამო შტატს გარეშე ღარჩენილ მოხელენი.

სომხის კაპიტალის განთავისუფლება.

მთავრობამ გაანთავისუფლა სომხ ლტოლვილთა განყოფილების კაპიტალი, რომელიც სომხეთთან ომის დროს იყო დაჭერილი. კაპიტალი კუთვნილებსამებრ დაუბრუნდა.

ინდოელთა ჯარის ჩამოსვლა.

გუმინ თფილისში ჩამოვიდა ინგლისის, ინდოელთა ჯარის ნაწილი, 1,500 კაცამდე.

სროლა ახალწლის დამეს.

გუმინ, ძველი სტილით, ახალწლის დამეს მთელ ქალაქში განუწყვეტლათ სროლა სწარმოებდა მთელ ქალაქში, დღესასწაულობდენ ახალწელს.

საქონლის თავისუფალი შემოზიდვა.

მთავრობამ დაადგინა სრულიად გაანთავისუფლოს რეკვიზიციისაგან საქართველოს ნავთსადგურებსა და საზღვრებში შემოზიდული ყოველგვარი საქონელი. ეს დადგენილება დებამით უნდა ეცნობოს სოხუმს, ფოთს, ბათუმს და აგრეთვე საქართველოს და რუსეთის ყველა ქალაქებს.

ჩინის გზათა რევიზია.

მთავრობამ დაავალა სახელმწიფო კონტროლიორს გამოარკვიოს საქართველოს ჩინი

მართულება მიიღო ჩვენში (მეტად რე ქართლში).

ასეთია ახლანდელი ხელოვნური სიძვირეც. ყველას მოეხსენება, რომ მთელს საქართველოში 20 პროცენტი წერა-კითხვის მცოდნე თუ მოიპოვება ისიც კარგია; კერძოდ სამხრეთ და აღმოსავლეთ-ჩრდილოეთ საქ. 5-6 პროცენტი წერა-კითხვის მცოდნე ძლივსაა, რაც გაუნათლებლობას და სიბნელეს ქართ. ერისას მოასწავებს. მართალია, რომ ქ. ერს სიმარდე და გამჭრიახობა ბუნებით თან დაყოლილი აქვს, მაგრამ ეს არ კმარა. სიბნელეს დასიველურეს უსწავლელი თავიდან ვერ მოიშორებს.

დიდი მნიშვნელობა ქონდა ქ. ერის წინსვლაში ქრისტეს მცნებას და სახარებას და თუ დღეს ქ. ერს კაცობა და ნამუსი ოდნად შერჩენია, არ გამჭრალა და თავისი არსებობა დღემდე შეუნარჩუნებია, ეს იმ, შედარებით მტკიცედ დაცულმა, რელიგიური მოძღვრების საქმეც არის, რომლის სწავლა-ქადაგება ქართველი ერის არსებაში მუდამ ინახებოდა და რომლის სამუდამო მოსპობა დღევანდელმა მმართველებმა მოინდობა.

კითხვა იმაშია, თუ ვის მოუხსნეს სახარების სწავლა? პასუხი ნათელია: გაუნათლებელ და უფიც ხალხს. განათლებულ ევროპელებს: გერმანელებს, ინგლისელებს და სხვას დღესაც საქიროდ და სასარგებლოდ მიიჩნიათ სახარება და კიდევ ასწავლიან თავის შვილებს სასწავლებლებში.

დღეს სახარების სწავლების საკითხს სერიოზულ ყურადღებას აქცევენ ჩვენი მეზობლები ქრისტიანები და გარდა ქარაფუშტებისა, ყველა სცილილობს, შეიმუშავოს ახალი პროგრამა ამ საგნისა, რომ საუკეთესოდ და სასარგებლოდ მოაწყონ სახარების სწავლების საქმე და მიაწოდონ თავიანთ შვილებს სახარებიდან ის, რასაც ადამიანის აღზრდის და კეთილდღეობისათვის უსაჭიროესი მნიშვნელობა აქვს. ჩვენი მხსნელები კი სახარების განდევნას ქ. ერის ცხოვრებიდან დღე სასწაულობენ და ბუქნას გადადიან. რაც გამოუცდლობის და აჩქარების ნაყოფად უნდა ჩაითვალოს.

ერთი კიდევ აჩქარების და წინდაუხედველობის ნაყოფი: გამოცხადდა უქმედობების სია და შიგ არც ერთი ქართველი ეროვნული უქმედდ არ მოიპოვება. ასეთია: წინობა, მცხეთობა და გიორგობა, რომელთაც ქ. ერი დიდი პატიარამდე აღტაცებით დღესასწაულობს. იმდენად პატივს სცემდა ქ. ერი წ. გიორგის, რომ თვესაც კი მისი სახელი უწოდდა „გიორგობისთვის“. ეროვნულ უქმედობების მოსპობისათვის, როგორც „წინობის“ წინააღმდეგობას უცხადებდით რუსის მთავრობას; ბოლოს, როდესაც მთავრობამ ნება დაგვართო და დმერთმაც თავისუფლება გვადირსა, ჩვენ თვითონ ვსპობთ ეროვნულ უქმედებს, რითაც ცხადად ვამტკიცებთ, რომ ეროვნული უქმედები საქირო არ ყოფილა ჩვენთვის და ძველი რევიმის მთავრობას ტყუილად ვემდუროდით.

გ. იმნაიშვილი.

რაკებს ყაზახზე, ლორზე და ბაზბაკზე. იგი ამ ნაწილების შესახებ თავისებურ ღირეტივებს წამოაყენებს და თუ ქართველი სოციალისტ-რევოლუციონერები, საქართველოს სახელმწიფო ინტერესებს, ინტერნაციონალისათვის სომხეთს შესწირავენ (რამაც ჩვენ ეჭვი არ გვეპარება), უეჭველია მაშინ სომხეთი ღირესულ მეზობლობას გაგვიწვევს; ხოლო თუ სომხის ღირეტივებზე ჩვენს სოციალისტებს საწინააღმდეგო რამ ექნათ („ერთა თავის უფლებების“ პრინციპისათვის ყოველ შემთხვევაში) ვეჭვობთ, რომ საქართველოს სოციალისტ-რევოლუციონერები და სომხის სოციალისტები მორიგდენ და სასურველი „ღია პოლიტიკა“ ექნეთ.

ნაცადი ფინალი გამეორდება. განა „შრომამ“ ეს არ იცის? იცის, მაგრამ რა ქნას; უნდა ილაპარაკოს მაინც „კავკასიის ინტერნაციონალზე“ და „სოციალიზმზე“ თუ გინდ იმიტომ, რომ ავლაბარში სამასი თანამოაზრე სომეხი მოეპოვება.

საღვთისმადე რევიზია.

ერთ სოციალისტთან საუბრის დროს ვთქვი: შეუფერებელია, საქართველოში შობა იანვარში ვიდღესასწაულოთ, რადგანაც ქართველმა ერმა დიდი ხანია, რაც შობის დღესასწაულობა ქრისტესშობისთვის შემოიღო, რომელსაც თვით ამ დღესასწაულის სახელი უწოდა მეთქი. გაანჩხლდა სოციალისტი და მიპასუხა: ეს ხომ მთავრობის საწინააღმდეგოდ ძველი რევიმის გაბატონება იქნებაო.

მეორეს ვეხუმრე: მოგილოცავ ნაადრევ ახალწელიწადს მეთქი ისიც აპილობილდა და ბრძანა: „ნაადრევი ახალი წელიწადი ევროპასთან დაახლოებისთვის უნდა შემოვიღოთო. კრძალვით მოვასხნენ: შემცდარი ბრძანდებით, თუ მართო ამით აპირებთ ევროპასთან დაახლოვებას მეთქი.

საზოგადოება, როგორც მოგეხსენებათ, კრელია: ზოგნი, თუ ვინმემ რამე სთქვა ან დასწერა მოხელეთა განკარგულების გამო, ერთ განგაშს ასტებენ როგორც ძველი რევიმის დროს იცოდნენ.

დღეს საქართველო რევოლუციის ნანგრევებშია ჩაფლული და ჩვენმა მთავრობამ რომ იმ ამ ნანგრევებიდან ამოიყვანოს და მტკიცე ნიადაგზე დააყენოს, დიდი შრომაა საქირო და ქართველი ერის მოვალეობას შეადგენს მთავრობას ერთგული დახმარება გაუწიოს.

მეგრამ ამასთანავე ყველა ქართველი მოვალეა, თუ რამე სახარბოოს და მავნეს შენიშნავს მის განკარგულებაში, ხმა ამოიღოს და მიუთითოს ამა, თუ იმ ნაკულულოვანებაზე. ეს იქნება დახმარება და არა „კრიტიკა“ და „ხელის შეშლა“, როგორც ზოგიერთებსა ჰგონია. ყველას მოეხსენება, თუ რამდელი და რთული მთელი წეს-წყობილების შეცვლა სახელმწიფოსი უცრად და ნაჩქარევად და რამდენი არა სასურველი მოვლენებიც აუცილებელია ამნაირ ცვლილების დროს.

ასეთი იყო მგალითად: მიწის საკითხი, რომელიც ისე გამწვავდა, რომ საზიზღარი მი-

გზების მდგომარეობა და მოხსენება წარუდგინოს მთავრობას ამის შესახებ.

ბრძოლა სახადთან.

მთავრობამ 500,000 მან. გადასდო ციხეებში გავრცელებულ სახადთან საბრძოლოვლად.

ჩეგულიარული ჯარის პარადი.

გუშინ შუადღის 12 საათზე გაიმართა ფრონტიდან დაბრუნებულ ჯარების პარადი. ყოველ გვარი სამხედრო ნაწილები წრებდნენ იყო გაყოლებული რუსთაველის პროსპექტის ორივე მხარეზე. ჯარები დაათვალიერა მთავრობის თავჯდომარე ნ. ჟორდანიამ მთავარ სარდლის ი. გედევანიშვილს, გენ. მაზნიაშვილის, სამხედრო მინისტრის, გენერალი ტეტის და პარლამენტის წევრთა თანადახსწრებით გენ. ესაძემ სურათები გადაიღო პირდაპირ ჰაერში დაფრინავდა რამდენიმე ჰაეროპლანი. პარადის შემდეგ ჯარს სიტყვით მიმართა ნ. ჟორდანიამ.

ხმოსანთა ხაარჩვენო დებულება.

მთავრობამ მოიწონა ქალაქის ხმოსანთა ხაარჩვენო დებულების შესწორებათა და დამატებათა კანონპროექტი.

ქალაქის თვითმართველობათა ნაციონალიზაცია.

მთავრობამ დაამტკიცა ადგილობრივ თვითმართველობათა ორგანოებში ენის ხმარების კანონპროექტი.

ბათუმში შესვლის თავისუფლება.

მთავრობამ დაადგინა ყველა ქართველს შეეძლოს ბათუმში წება დაურთველათ შესვლისა.

ოსთა ყრილობა სხინვალში.

1918 წელს დეკემბრის 4, ცხინვალში მოწვეულ იქნა ოსთა მეექვსე ყრილობა. მიუხედავად იმისა, რომ ყრილობას შედარებით ცოტა დელეგატები დაესწრო, კრებამ გადაწყვიტა გადაედგა ისტორიული ნაბიჯი: თავს იღვა 70 ათას ოსის წების გამოხატვა და ოსთა სახელით ისეთი საკითხების გადაწყვეტა, რომელთა ცხოვრებაში გატარება ემუქრება მთელი ოსეთის კეთილ-დღეობას. ამ შემთხვევაში, მხედველობაში მისაღებია საკითხი სამხრეთ და ჩდილოეთ ოსეთის შეერთებულ მთავრობის შედგენისა.

როგორც ვიცით სამხრეთ ოსეთში ხდება ოსთა ერთგვარი მობილიზაცია, რაეღმაც უნდა შეავსოს თფილისის საგუბერნიო ბატალიონი. ყრილობა შეეხო ამ საკითხს და დაადგინა: „დაევალოს ოსთა ეროვნულ საბჭოს პრეზიდიუმს, საქართველოს მთავრობასთან ერთად გამოარკვიოს საკითხი ამ ნაწილთა შედგენისა და უკეთუ იგი არ ეთანხმება ოსეთის მრომელი ხალხის ინტერესებს, ეს ნაწილები უნდა დაიშალოს ანდა დაუქვემდებაროს ოსეთის ეროვნულ საბჭოსო“.

შემოსულ წინადადებას, რომ ოს მცხოვრებთაგან ამოერჩიათ 5 ხმოსანი და გაგზავნათ გორის სამაზრო ერობაში, ყრილობამ უპასუხა შემდეგი დადგენილებით: „სამხრეთ ოსეთის გამოყოფამდი, ეს საკითხი ღიათ დარჩესო“.

იაპონია საქართველოს შესახებ

იაპონიის ადმირალმა ოსმალოს გაზეთის ერთ კორესპონდენტს შემდეგი გაუცხადა. ცეცხლის მორევში მყოფ რუსეთის ანარხიის დაბოლოების შესახებ გადაწყვეტილ არაფერი ითქმის ძველ რუსეთის თავის ფარგლებში აღდგენა შეუძლებელია ჩვენ გვსურს, რომ რუსეთში დამყარდეს მშვიდობიანობა დემოკრატიულ ნიადაგზე ადმირალის სიტყვით რუსეთი ძველ თავის ფარგლებში ვერ აღზდგება, ყველა რუსეთში მყოფი არა რუსი ერები განთავისუფლებულ და გამოკალკევებული უნდა იქმნენ. რუსები მხოლოდ თავიანთ ქვეყნის პატრონი უნდა დარჩენ და არა საქართველოში, პოლონეთში და ფინლანდიაში.

ამერიკალები საქართველოს შესახებ

ამერიკის ერთი უდიდესი გაზეთი რომელიც პრეზიდენტთან არის დაახლოებული: ამბობს რომ ალბანეთი, სერბიის და საბერძნეთის გაგლენისაგან, უეჭველად უნდა იქმნეს. განთავისუფლებული ალბანეთის და საქართველოს შორის ბევრი მგზავსება არსებობს. როგორც მუსულმანი და ქრისტიანი ალბანლებს სურთ შეერთებული ალბანეთი შექმნან ეგრეთვე ჩვენ ქართველებსაც, მუსლიმანებს თუ არა მუსლიმანებ გვსურ მთელი საქართველოს გაერთიანება ბ. ვილსონი საზოგადო მდგომარეობის შესახებ თავის განცხადებაში ამ ომს; განმათავისუფლებელ ომს უწოდებდა უკანასკნელმა ზაჰმა, ყოველ ხალხს უნდა მიანიჭოს მშვიდობიანობა და ბედნიერება და უნდა ააშოროს ყოველ გვარ შიშს რომელიც თავიანთ ძველი ბატონებისაგან მოეღიოთ. ღრმად დარწმუნებული ვართ რომ დიდი პიროვნების ძვირფასი სიტყვები უნაყოფოდ არ ჩაივლის.

სამაჰმადიანო საქართველო და ინგლისი.

ქობულეთის, გონიის, ქვემო აქარის, ზემო აქარის, ართვინის, არდანიუჯის და შავშეთ-იმერხევის უბნებში კამისრებად რუსების დანიშვნის შესახებ გავრცელებულმა ამბებმა ქართველ მუსლიმანებში დიდი მწუხარება გამოიწვია. ამის შესახებ უკვე ინგლისის ღენერალ-გუბერნატორს სხვადასხვა მემორანდუმები და საჩივრები მოართვეს. მოგვეყვას აქ ქობულეთის მცხოვრებლების მიერ მორთმეული მემორანდუმი: ჩვენ კინტრიშის ნაწილის მცხოვრებლებმა გავიგეთ, რომ თქვენ მიერ დანიშნულ საბჭოს გადაწყვეტა ჩვენში გამოგზავნა ადმინისტრატორად რუსის მოხელეები ფონდერ გრეშენი და ორი მისი თანაშემწე. რადგან ჩვენ საერთო ყრილობაზე უკვე ავირჩიეთ ჩვენი საქმეების მოსაწყობად ადგილობრივი მცხოვრები მკოდნე ჩვენი ხალხის და ცხოვრების, რადგან ჩვენ იმედი გვაქვს სრული მშვიდობიანობა და წესიერება დავიცვათ ჩვენი ძალღონით და რადგან შეიძლება თქვენი საბჭოს მიერ არჩეულ პირის გაგზავნას მოჰყვეს მეტად მძიმე და სამწუხარო შედეგი, ამიტომ უმორჩილესად გთხოვთ

ხოვთ უყურადღებოთ არ დაგვტოვოთ და აგვაცდინოთ მოსალოდნელ განსაცდელი. კინტრიშის ნაწილის მცხოვრებლებს.

ჩვენ, სამაჰმადიანო საქართველოს სხვადასხვა კუთხის წარმომადგენლებმა შეკრებილნი ქალაქ ბათუმში 3 იანვარს დავადგინეთ.

გულითად სალამს მივუძღვნით დიდებულ ბრიტანიის წარმომადგენელთ ჩვენ სამშობლოში მოსულთ. ჩვენ იმედი გვაქვს, რომ თავისუფლების და სამართლიანობის მუდმივი დარაჯის კულტურისაგან ინგლისელთა მთავრობის წარმომადგენელნი არ შელახავს ჩვენ უცილებელ ბუნებრივ უფლებას და ჩვენ შინაგან საქმეების გამგებლობაში უცხო ხალხის ბატონობას თავზე არ მოგვახვევს ამიტომაც ჩვენ განცვიფრებული დავრჩით, როცა გავიგეთ, რომ ადგილობრივ საქმის გამგებლობა ჩაბარდა ისეთ საბჭოს, სადაც არის მხოლო ერთი მაჰმადიანი ქართველი.

ისიც კაცი სრულიად უმეცარი და ხალხისაგან ყოველივე პატივისცემას და ნდობას მოკლებული კრების მიერ ამორჩეული დიპუტატები. და ამავე დროს ამ საბჭოს ხელმძღვანელობა არის რუსის ხელში, რომელიც ჩვენი ხალხისთვის სრულიად უცხოა ამასთანავე ჩვენ გვესმის, რომ განზრახულია ბევრს ადგილს მოხელეებათ მოწვეულ იქმნან ძველი ცხოვრების დროს ჩვენი მტანჯველნი. ღრმად დარწმუნებულინი, რომ უმაღლეს ბრიტანების მთავრობის წარმომადგენელთ სრულიად აზრად არ აქვთ შეგვაფიროვნონ და მონობის უღელში გავვაბან, მხოლოდ აქ მოხდა რალაც გაუგებრობა, კრება ერთხმად ადგენს მიმართოს ხსენებულ მთავრობის წარმომადგენელს, რათა აღდგენილ იქმნას სამაჰმადიანო საქართველოს მცხოვრებთა კანონიერი უფლებანი და საბჭო შედგენილ იქმნეს ადგილობრივ მუსულმან ქართველთ უმრავლესობისაგან ესეთი საშუალება უზრუნველ ყოფს სრულ მშვიდობიან ცხოვრებას ჩვენში.

საქართველო მთავრობა სამაჰმადიანო საქართველოს.

თანახმად მთელი საქართველოს მოქალაქეთა სურვილისა და პარლამენტის დადგენილებისა, ყოველივე გაუგებრობის თავიდან ასაცილებლად საქართველოს დემოკრატიული რესპუბლიკის მთავრობა საყოველთაოდ და გადაჭრით აცხადებს რომ:

სამუშაულმანო საქართველოს ანიჭებს ავტონომიას.

თვით მუსულმანი ქართველების წარმომადგენელნი გამოსცემენ კანონებს, რომელითაც ისინა სამუსულმანო საქართველოში თავის გემოზე და თავისი სინდისისამებრ მოაწყობენ თავის ცხოვრებას, მტკიცე კანონებით უზრუნველყოფენ თავისი საარწმუნოების უფლებებსა, მოაწესრიგებენ ადგილობრივ საქმეებს და მით დამყარებენ თავის სამშობლო მხარეში ბედნიერებას.

ძებო მუსულმანებო! თქვენი საბოლოო დამონების მსურველნი თქვენ ვაშინებენ ქრისტიან ქართველთა შურისძიებით. ქართველ ხალხს საქართველოს დემოკრატიას კარგად გათვალისწინებული აქვს, რომ ასეთი ხმები ერთი მუჟა მოყიდული პირების მოღვაწეობას მიეწერება. თქვენი მოძმეები თქვენსკენ

მეხილეთ ამხანაგობა „ქართლი“

ამით აცხადებს, რომ მის საწვებობიდან იეიდება დიდხალი ხილი **ვაკონოვით** და **ფუთოვით** როგორც კერძო ჰორთა, ისე დაწესებულებათათვის ფრიად ხელმისაწვდომ ფასებში.

იარმუკაში, მუხრანთან სახლი ამხ. „ქართლი“.

მეშურებიან არა შურის საძიებლად, არა-
შედ თავისუფლებით, დროშით და ძმური სალა-
შით ეს დროშა წინამორბედია თქვენი საბო-
ლოო განთავისუფლების.

საქართველოს მთავრობა დარწმუნებულია,
რომ თქვენ, ქართველი მუსულმანები, გაპყე-
ბით თქვენს რჩეულ მეთაურთ, რომელნიც
საბოლოოდ დარწმუნებული არიან, რომ მხო-
ლოდ საქართველოს დემოკრატიულ რესპუბ-
ლიკასთან დაკავშირება იხსნის სამუსულმანო
საქართველოს და მის სრულ თავისუფლებას
უზრუნველყოფს.

გაუმარჯოს სამუსულმანო საქართველოს
ავტომონომიას საქართველოს დემოკრატიული
რესპუბლიკის ფარგლებში!

გაუმარჯოს მუსულმან ქართველთა მონო-
ბისაგან განთავისუფლებას!

საქართველოს დემოკრატიულ რესპუბ-
ლიკის თავმჯდომარე

ნ. ჟორდანიას.

დეკემბრის 25.

ქართული კათოლიკანი და სომხები.

პარლამენტმა მიიღო შემდეგი დეკრეტი: მო-
თმინების ფილა იავსო, ახალციხის ქართველ კა-
თოლიკებს ერთი წუთითაც აღარა გვსურს ვიმყო-
ფებოდეთ სომხურ ტიბიკონის უღელ ქვეშ,
რომლის წყალობით ეროვნული მხრით საუკუ-
ნოზე მეტია ვიტანჯებით, რომელსაც ბოლო
არ აქვს თავისუფალ საქართველოშიც ქართ-
ველ კათოლიკეთა მღვდლებს სომხის ტიბიკო-
ნის წესისა დღესაც ვერ მოუნებელიათ საქარ-
თველოს თავისუფლება და მისი დედა ენა; აშ-
კარად ავრცელებენ ხალხში მონარქიულ იდე-
ებს და ეწევიან ავტოკრატის ქართველ კათოლი-
კეთა წინააღმდეგ. ხალხი ღელავს, რასაც შე-
საძლებელია მოპყვეს სისხლის ღვრა. ამის თა-
ვიდან ასაცდენად დაუყონებლივ საჭიროა
სომეხ კათოლიკეთა მართველობის და მისი
მღვდლების უღლიდან ჩვენი განთავისუფლება.
გთხოვთ საჩქაროდ განთავისუფლებას. გთხოვთ
შემდეგი გვაცნობოთ.

ახალციხის ქართველ კათოლიკეთა რევო-
ლიუციონური კომიტეტის თავმჯდომარე ზაქა-
რია დიდიმამიშვილი, მდივანი სამსონ გოგო-
ტაშვილი.

არჩვენების გარეშე.

კანდიდატთა სიების წარდგენის ვადა.

დამფუძნებელ კრების ცენტრალურმა სა-
არჩევნო კომისიამ დაადგინა 15 იანვარი დი-
ნიშნოს ვადათ დამფუძნებელ კრების წევრების
კანდიდატების სიის პოლიტიკურ პარტიათა მი-
ჯერ ცენტრალურ კომისიაში წარმოსადგენათ.

ამომრჩეველთა სიების გამოქვეყნების ვადა.

დამფუძნებელ კრების ცენტრალურმა სა-
არჩევნო კომისიამ დეკრეტით აცნობა საქართვე-
ლოს ყველა ქალაქთა და ერობის თვითმარ-
თველობებს, რომ დამფუძნებელ კრების წევ-
რების ამომრჩევლების პირველი სიები გამო-
ქვეყნებულ უნდა იყოს არა უგვიანეს 20 იან-
ვრისა, მხოლოდ ქალაქების საბჭოს ხმოსანთა
ამომრჩევლების სიები კი გამოქვეყნებულ უნდა
იყოს ამაზე ადრე.

ბათუმის ქალაქის საბჭოს.

ხმოსნების არჩევნები ცხრა მარტს მოხდე-
ბა! ამომრჩეველთა აღწერა დაიწყება იანვრის
ოცს და გათავდება ოცდა ორს. საჭიროა ოც
იანვრისთვის ბათუმში ჩამოვიდნენ ბათუმის ქარ-
თველი მცხოვრებნი და ძველი ხმოსნები.

საქართველოს მთავრობა და მთიანეთი.

ჩემი და მთელი საქართველოს მთავრო-
ბის სახელით გულწრფელ მადლობას გწირავთ
თქვენ მთიანეთის საბჭოთა კავშირს, რომ თქვენ
გსურთ დაამყაროთ და განამტკიცოთ ჩვენთან
კეთილ-მეზობლული გამწყობილება. ქართვე-
ლი ხალხი ყოველთვის ცდილობდა და აწი-
ცდებდა მეზობლურ ხალხთა მიმართ კეთილ-მე-
ზობლური განწყობილება დაამყაროს, რათა
მას სწამს, რომ მხოლოდ ასეთი განწყობილე-
ბა გასჭედს კავკასიის ერთა ბედნიერებას.

მთავრობის თავმჯდომარე

ნ. ჟორდანიას.

უცხოეთის ამბები

ტელემგრამები.

საქართველოს სააგენტოსი.

ხალხთა ღივის საკითხი.

პირველი საკითხი; რომელიც დაისმება მო-
კავშირეთა უმაღლეს საბჭოში რევლამენტის
შემუშავებას შემდეგ. იქნება აუცილებლათ ხალ-
ხთა ღივის საკითხი. ამის შესახებ კლემანსო
მოელაპარაკება ბურჟუას. საფრანგეთი წინა-
დადებას შემოიტანს დაარსდეს წინსწარი კომი-
სია.

დროებითი ზავის განახლება.

დროებითი ზავის კომისია ტრევში შეი-
კრიბება 14 ან 15 იანვარს, რომ შეიმუშავონ
ახალი პირობები დროებითი ზავის განახლები-
სათვის რადგან გერმანელებმა არ ასრულეს
წინა შეთანხმების პირობები

პოლონეთის ობერ-პრეზიდენტი.

პოლონეთის უმაღლეს სახალხო საბჭომ
პოზნანის ობერ-პრეზიდენტათ დანიშნა პრუსია
პოლონეთის სეიმის დეპუტატი ფონ ტრამპ-
ზგუსკი.

პეტროგრადი ბოლშევიზმის წინააღმდეგ.

ფინლიანდიდან იუწყებიან, რომ პეტრო-
გრადის გარნიზონში დიდი მღელვარებაა ბოლ-
შევიზმის წინააღმდეგ.

საფრანგეთის მთავრობა.

პარიზიდან იუწყებიან: კლემანსომ განაც-
ხადა, რომ საფრანგეთი მოითხოვს რენის მარ-
ცხენა მხარის ყველა ოლქების ნეიტრალიზა-
ციას.

ამერიკა და სომხეთი.

„შშაკ“-ის ცნობით ამერიკამ 500 მილი-
ონი მან. გადასლა სომხებთან დასახმარებლათ
და 100 ინსტრუქტორს გაზავნის სომხეთის ჯა-
რისთვის.

რუზველტი-სომხეთის პრეზიდენტად.

სტამბოლის ერთ სომხურ გაზეთში დაბეჭ-
დილია ცნობა, რომ სომხეთის პრეზიდენტად
მოწვეული იქნება ამერიკის ყოფილი პრეზი-
დენტი რუზველტი.

„კლდის“ ბიბლიოთეკა.

დაიბეჭდა ნაწერები:

გრიგოლ ვეფხვალი

„ნახ.-დემოკრატული პარტია“

დავით ვაჩნაძის

„მუღივი ჯარი თუ“

სახალხო მილიცია“

მიხეილ მაჩაბელის

„მიწის საკითხი“

შალვა ქარუიძის

სამღვთო სჯულის

სწავლების გაუქმება

თითო წიგნის ფასი 15 შუკრი.

ქ. დ. ჯავახიშვილი

ბინა: ვერა, გუნიბის ქუჩა № 41.

ტელეფ. № 14-09.

მიიღებს ბავშვთა და შინაგან სწულებიან ავა-
მყოფთ ყოველ დღე კვირას გარდა, დილის 9-
და საღამოს 5-7 საათ.